

Cuntas Leithreasa 2020

Vóta 44

An Coimisiún um Chosaint Sonraí

Réamhrá

Mar Oifigeach Cuntasaíochta do Vóta 44, ceanglaítear orm an cuntas leithreasa don Vóta a ullmhú gach bliain agus an cuntas a chur faoi bhráid an Ard-Reachtaire Cuntas agus Ciste lena iniúchadh.

De réir an cheanglais seo, d'ullmhaigh mé an cuntas a ghabhann leis seo ar an tsuim a caitheadh ar thuarastail agus ar chostais an Choimisiúin um Chosaint Sonraí sa bhliain dar chríoch an 31 Nollaig 2020.

Cuirtear an toradh maidir le caiteachas i gcomparáid leis na suimeanna:

- (a) arna ndeonú ag Dáil Éireann faoin Acht Leithreasa, 2020, lena n-áirítear an tsuim a d'fhéadfaí a úsáid mar leithreasaí-i-gcabhair ar mhaithe le caiteachas don bhliain, agus
- (b) arna soláthar ar mhaithe le seirbhísí caipitil a sholáthar in 2020 as leithreasaí neamhchaite a bhain le 2019, faoi na socruithe a bunaíodh le halt 91 den Acht Airgeadais 2004 maidir le géilleadh iarchurtha.

Dlítear barrachas €4.623 milliún a ghéilleadh don Státchiste.

Is cuid den chuntas iad an Ráiteas faoi Pholasaithe agus faoi Phrionsabail Chuntasaíochta agus nótaí 1 go 6.

Bunú Vóta 44

Tháinig creat dlí nua maidir le cosaint sonraí i bhfeidhm ar fud AE nuair a cuireadh an Rialachán Ginearálta maidir le Cosaint Sonraí (GDPR) i bhfeidhm an 25 Bealtaine 2018. Ar an dáta sin, bunaíodh Coimisiún nua um Chosaint Sonraí leis an Acht um Chosaint Sonraí, 2018, agus aistríodh feidhmeanna uile an Choimisinéara um Chosaint Sonraí chuig an gCoimisiún nua. Chomh maith leis sin, bronnadh le GDPR ón 25 Bealtaine 2018 ar aghaidh ról a raibh leathnú suntasach tagtha air ar an gCoimisiún, ról mar údarás um chosaint sonraí agus is údarás maoirseachta é an Coimisiún anois a chuimsíonn AE go léir.

Tá an Coimisiún neamhspleách ina fheidhmeanna a chur i gcrích. Tá foráil san Acht um Chosaint Sonraí, 2018, go sannfaí a vóta féin don Choimisiún um Chosaint Sonraí. In 2019, bhí buiséad an Choimisiúin mar chuid de Vóta na Roinne Dlí agus Cirt agus rinne an Coimisiún cuntas ar a bhuiséad tríd an Oifigeach Cuntasaíochta sa Roinn Dlí agus Cirt. Ba í an bhliain 2020 an chéad bhliain dá raibh Vóta ar leith (Vóta 44) ag an gCoimisiún um Chosaint Sonraí agus níl figiúirí comparáideacha ó bhlianta roimhe sin san áireamh.

Ráiteas faoi Pholasaithe agus faoi Phrionsabail Chuntasaíochta

Cuireadh na polasaithe agus na prionsabail chaighdeánacha chuntasaíochta maidir le cuntais leithreasa a tháirgeadh, mar atá leagtha amach ag an Roinn Caiteachais Phoiblí agus Athchóirithe i gCiorclán 22 de 2020, chun feidhme agus an cuntas á ullmhú.

Ráiteas faoi Rialú Inmheánach Airgeadais

Freagracht as an gcóras rialaithe inmheánaigh airgeadais

Mar Oifigeach Cuntasaíochta, admhaím an fhreagracht atá orm as a chinntiú go gcoimeádann agus go bhfeidhmíonn an Coimisiún um Chosaint Sonraí córas éifeachtach rialaithe inmheánaigh airgeadais.

Is i gcomhthéacs na n-acmhainní atá ar fáil dom agus na n-oibleagáidí eile atá orm mar Cheann Oifige a chomhlíontar an fhreagracht sin. Chomh maith leis sin, ní féidir le haon chóras rialaithe inmheánaigh airgeadais ach deimhniú réasúnach seachas deimhniú iomlán a thabhairt go gcosnaítear sócmhainní, go ndéantar idirbhearta a údarú agus a thaifeadadh go cuí agus go seachnaítear botúin nó neamhrialtachtaí ábhartha nó go dtabharfaí faoi deara iad go tráthúil. Is próiseas leanúnach é an córas rialaithe inmheánaigh airgeadais a chothabháil agus coinnítear an córas agus a éifeachtúlacht faoi athbhreithniú leanúnach.

Seirbhísí comhroinnte

Cuireann Seirbhísí Comhroinnte Airgeadais sa Roinn Dlí agus Cirt seirbhísí airgeadais ar fáil don Choimisiún um Chosaint Sonraí faoi chomhaontú seirbhíse.

Soláthraíonn an Oifig Náisiúnta um Sheirbhísí Comhroinnte seirbhísí comhroinnte acmhainní daonna agus párolla don Roinn Dlí agus Cirt maidir le baill foirne atá ag obair sa Choimisiún um Chosaint Sonraí. Tugann an Oifig Náisiúnta um Sheirbhísí Comhroinnte dearbhú bliantúil i leith na seirbhísí a sholáthraítear don Roinn Dlí agus Cirt agus déantar iniúchadh uirthi faoi phróisis deimhnithe ISAE 3402.

Bím ag brath ar litir dearbhaithe ó Oifigigh Chuntasaíochta na hOifige Náisiúnta um Sheirbhísí Comhroinnte agus na Roinne Dlí agus Cirt maidir leis na rialuithe iomchuí a chuirtear i bhfeidhm i ndáil le seirbhísí comhroinnte a chur ar fáil don Choimisiún um Chosaint Sonraí.

Tá mo chuid freagrachtaí maidir le ceanglais na gcomhaontuithe sin comhlíonta agam.

Timpeallacht rialaithe airgeadais

Deimhním go bhfuil timpeallacht rialaithe i bhfeidhm a bhfuil na gnéithe seo a leanas mar chuid di.

- Freagrachtaí airgeadais sannta ag leibhéal bainistíochta agus cuntasacht dá réir i gceist.
- Tá socruithe tuairiscithe bunaithe ag gach leibhéal ina bhfuil freagracht i leith bainistíocht airgeadais sannta.
- Tá nósanna imeachta foirmeálta bunaithe chun teipeanna rialaithe suntasacha a thuairisciú agus chun chinntiú go ndéanfar gníomh ceartaitheach iomchuí.
- Tá Coiste Iniúchóireachta agus Riosca ar bun d'fhonn comhairle a chur ormsa maidir lena leagtar de fhreagracht orm maidir leis an gcóras rialaithe inmheánaigh.
- Tá na nósanna imeachta maidir le gach ceann de na príomhphróisis ghnó doiciméadaithe.
- Tá córais i bhfeidhm chun sócmhainní a chosaint.
- Baineann an Coimisiún úsáid as an gCóras Bainistíochta agus Forbartha Feidhmíochta (PMDS) chun, inter alia, riachtanais oiliúna na foirne a aithint, lena n-áirítear scileanna bainistithe airgeadais agus cuntasaíochta. Déantar an oiliúint atá de dhíth a eagrú nó a fhoinsiú de réir mar is cuí ansin.

Rialuithe riaracháin agus tuairisciú bainistíochta

Maidir leis an gCoimisiún um Chosaint Sonraí, deimhním go bhfuil timpeallacht rialaithe i bhfeidhm a bhfuil na gnéithe seo a leanas mar chuid di:

- Tá córas buiséadaithe iomchuí le buiséad bliantúil a bhíonn faoi athbhreithniú ag bainistíocht shinsearach i bhfeidhm.
- Bíonn athbhreithniú rialta á dhéanamh ag bainistíocht shinsearach ar thuarascálacha airgeadais tréimhsiúla agus bliantúla a léiríonn feidhmíocht airgeadais in aghaidh réamhaisnéisí.
- Tá córas bainistithe riosca i bhfeidhm.

- Tá córais ann atá dírithe ar shlándáil na teicneolaíochta faisnéise agus cumarsáide a chinntiú. I rith 2020, chuir rannán TFC na Roinne Dlí agus Cirt seirbhísí áirithe TFC ar fáil don Choimisiún um Chosaint Sonraí. Chuir rannóg TFC na Roinne Dlí agus Cirt ráiteas dearbhaithe ar fáil faoi chomhaontú seirbhíse, ag déanamh cur síos ar na próisis rialaithe a bhí i bhfeidhm in 2020.

Iniúchadh inmheánach agus an Coiste Iniúcháireachta agus Riosca

Deimhním go bhfuil feidhm iniúcháireachta inmheánaí ag an gCoimisiún um Chosaint Sonraí, ar feidhm sheachfhoinisithe í lena ngabhann foireann atá oile go cuí chuige, agus go n-oibríonn sí de réir cairt i scríbhinn atá faofa agam. Téann anailís ar na rioscaí airgeadais sin atá os comhair an Choimisiúin um Chosaint Sonraí i bhfeidhm ar a cuid oibre agus tá a cuid pleananna bliantúla iniúcháireachta inmheánaí, atá faofa agam féin, bunaithe ar an anailís seo. Féachtar leis na pleananna sin na príomhrialuithe a chlúdach ar bhonn atrátha thar thréimhse réasúnach. I gcomhar leis an gCoiste Iniúcháireachta agus Riosca, déanaim an fheidhm iniúcháireachta inmheánaí a athbhreithniú go tréimhsiúil. Tá nósanna imeachta curtha i bhfeidhm agam lena chinntiú go ndéantar gníomh leantach i leith thuairiscí na feidhme iniúcháireachta inmheánaí.

Bunaíodh an Coiste Iniúcháireachta agus Riosca don Choimisiún um Chosaint Sonraí an 1 Eanáir 2020 agus thionóil an Coiste seacht gcruinniú i rith na tréimhse ón 1 Eanáir go dtí an 31 Nollaig 2020.

Comhlíonadh soláthair

Cinntíonn an Coimisiún go bhfuil béim chuí ann ar dhea-chleachtas nuair a bhítear ag ceannach agus go bhfuil nósanna imeachta i bhfeidhm chun comhlíonadh gach treoirlíne iomchuí a chinntiú. Ní raibh aon chonradh neamhiomaíoch ná neamhchomhlíontach de bhreis ar €25,000, gan CBL san áireamh, i gceist sa bhliain 2020.

Creat riosca agus rialaithe

Tá córas bainistíochta riosca curtha i bhfeidhm ag an gCoimisiún um Chosaint Sonraí a aithníonn agus a dhéanann na príomhrioscaí agus na gníomhartha bainistíochta atá á ndéanamh chun dul i ngleic leis na rioscaí sin a thuairisciú agus iad a mhaolú a mhéid agus is féidir.

Tá clár rioscaí i bhfeidhm ina sainaithnítear na príomhrioscaí atá os comhair an Choimisiúin um Chosaint Sonraí agus rinneadh na rioscaí sin a shainaithint, a mheas agus a ghrádú de réir a suntasachta. Déanann an Coiste Bainistíochta Sinsearaí an clár a athbhreithniú agus a nuashonrú ar bhonn ráithiúil. Is ionann bainistiú riosca agus buanmhír clár oibre don Choiste Bainistíochta Sinsearaí. Úsáidtear torthaí na measúnuithe sin chun acmhainní a phleanáil agus a leithdháileadh chun a chinntiú go mbainistítear rioscaí de réir leibhéal inghlactha.

Sonraítear sa chlár rioscaí na rialuithe agus na gníomhartha atá de dhíth chun rioscaí a mhaolú agus déantar freagracht i ndáil le feidhmiú rialuithe a shannadh do bhaill foirne shonracha.

Monatóireacht agus athbhreithniú leanúnach

Cuireadh nósanna imeachta foirmeálta i bhfeidhm i rith na tréimhse a chlúdaítear sa chuntas chun monatóireacht a dhéanamh ar phróisis rialaithe. Cuireadh easnaimh rialaithe in iúl go tráthúil dóibhsean atá freagrach as gníomh ceartaitheach a dhéanamh agus don bhainistíocht agus don Choiste Bainistíochta Sinsearaí, nuair is iomchuí.

Deimhním go bhfuil príomhrioscaí agus na rialuithe gaolmhara aitheanta agus go bhfuil próisis curtha i bhfeidhm chun monatóireacht a dhéanamh ar fheidhmiú na bpríomhrialuithe seo agus aon easnaimh a aithnítear a thuairisciú.

Athbhreithniú ar éifeachtacht

Deimhním go bhfuil nósanna imeachta ag an gCoimisiún um Chosaint Sonraí chun monatóireacht a dhéanamh ar éifeachtacht a nósanna imeachta bainistithe riosca agus rialaithe. Tá monatóireacht agus athbhreithniú an Choimisiúin um Chosaint Sonraí ar éifeachtacht an chórais rialaithe inmheánaigh airgeadais bunaithe ar obair na n-íniúcháirí seachtracha agus inmheánacha agus na bainistíochta sinsearaí laistigh den Choimisiún um Chosaint Sonraí atá freagrach as creat rialaithe inmheánaigh a fhorbairt agus a choinneáil.

Paindéim Covid-19

Tugadh faoi athbhreithnithe maidir le tionchar Covid-19 agus glacadh cáipéis Léargais Oifig an Ard-Reachtair Cuntas agus Ciste – *Tionchar Covid-19 ar do thimpeallacht rialaithe* san áireamh agus ba é an toradh a bhí air sin ná nach raibh tionchar diúltach ann ar na rialuithe inmheánacha de bharr na paindéime. Deimhním go ndearna mé féin agus an fhoireann bainistíochta sinsearaí monatóireacht leanúnach ar rialuithe inmheánacha a chothabháil sa bhliain 2020.

Saincheisteanna rialaithe inmheánaigh airgeadais

Níor aithníodh aon laigí i rialú inmheánach airgeadais sna ráitis airgeadais maidir le 2020 a raibh caillteanas ábhartha mar thoradh orthu.

Helen Dixon

Oifigeach Cuntasaíochta

An Coimisinéir um Chosaint Sonraí

30 Márta 2021

An tArd-Reachtair Cuntas agus Ciste

Tuarascáil le cur faoi bhráid Thithe an Oireachtais

Vóta 44 An Coimisiún um Chosaint Sonraí

Tuairim ar an gcuntas leithreasa

Tá iniúchadh déanta agam ar an gcuntas leithreasa do Vóta 44 An Coimisiún um Chosaint Sonraí don bhliain dar chríoch 31 Nollaig 2020 faoi Alt 3 d'Acht an Ard-Reachtair Cuntas agus Ciste (Leasú) 1993.

I mo thuairimse,

- léirítear go cuí sa chuntas leithreasa na fáiltais agus an caiteachas a bhain le Vóta 44 An Coimisiún um Chosaint Sonraí don bhliain dar chríoch 31 Nollaig 2020, agus
- ullmhaíodh an cuntas leithreasa san fhoirm a d'ordaigh an tAire Caiteachais Phoiblí agus Athchóirithe.

Bonn faoin tuairim

Rinne mé m'iniúchadh ar an gcuntas leithreasa de réir na gCaighdeán Idirnáisiúnta maidir le hIniúcháireacht arna fhógairt ag an Eagraíocht Idirnáisiúnta Uasfhoras Iniúcháireachta. Tá cur síos déanta ar na freagrachtaí atá orm faoi na caighdeáin sin san *Réamhrá leis na Cuntais Leithreasa*. Níl baint ná páirt agam le An Coimisiún um Chosaint Sonraí agus tá na freagrachtaí eitice eile atá orm de réir na gcaighdeán comhlíonta agam.

Creidim gur leor agus gur cuí an fhianaise iniúchta a fuair mé le bonn a chur faoi mo thuairim.

Tuairisc ar an ráiteas faoi rialú inmheánach airgeadais, agus ar nithe eile

Chuir an tOifigeach Cuntasaíochta ráiteas faoi rialú inmheánach airgeadais i láthair i dteannta an chuntais leithreasa. Tá cur síos déanta ar na freagrachtaí atá orm maidir le tuairisciú ar an bhfaisnéis atá sa ráiteas, agus ar nithe eile a dtuairiscím orthu de réir eisceachta, san *Réamhrá leis na Cuntais Leithreasa*.

Níl aon rud le tuairisciú agam ina leith sin.

Seamus MacCárthaigh

Ard-Reachtair Cuntas agus Ciste

18 Meitheamh 2021

Vóta 44 An Coimisiún um Chosaint Sonraí

Cuntas Leithreasa 2020

		2020	
		Soláthar meastacháin €000	Toradh €000
Caiteachas an chláir			
A	An Rialachán maidir le Cosaint Sonraí a Sholáthar	16,916	12,218
Ollchaiteachas		16,916	12,218
<i>Lúide</i>			
B	Leithreasai-i-gcabhair	230	155
		16,686	12,063

Farasbarr

Tá an farasbarr ar an méid a soláthraíodh thar an nglanmhéid a cuireadh i bhfeidhm dlite lena ghéilleadh don Stáitchiste.

	2020 €
Farasbarr le géilleadh	<u>4,622,680</u>

Helen Dixon

Oifigeach Cuntasaíochta

An Coimisinéir um Chosaint Sonraí

30 Márta 2021

Nótaí leis an gCuntas Leithreasa

Nóta 1 Ráiteas faoin gCostas Oibriúcháin 2020

		2020
	€000	€000
Pá		7,844
Neamhphá		4,374
Ollchaiteachas		12,218
<i>Lúide</i>		
Leithreasaí-i-gcabhair		(155)
Glanchaiteachas		12,063
Athruithe ar shócmhainní caipitil		
Ceannacháin - airgead tirim	(150)	
Dímheas	35	
Caillteanas ar dhiúscairt	—	(115)
Athruithe ar ghlansócmhainní reatha		
Méadú ar fhabhrúithe deiridh	73	
Méadú ar réamhíocaíochtaí deiridh	(187)	
Méadú ar stoic dheiridh	(7)	(121)
Caiteachas díreach		11,827
Caiteachas a tabhaíodh in áit eile		
Glanchaiteachas ar sheirbhísí gaolmhara (nóta 1.1)		125
Measchíosanna		—
Glanchoistas an chláir		11,952

1.1 Glanchaiteachas ar sheirbhísí gaolmhara

Tá an glanmhéid caiteachais ar sheirbhísí gaolmhara comhdhéanta de na méideanna seo a leanas maidir le Vóta 44 a tabhaíodh in áit eile.

		2020
		€000
Vóta 13	Oifig na nOibreacha Poiblí	76
Vóta 24	Dlí agus Ceart	49
		125

Nóta 2 Ráiteas faoin Staid Airgeadais ag an 31 Nollaig 2020

	Nóta	2020 €000
Sócmhainní caipitil	2.1	773
Sócmhainní reatha		
Banc agus airgead tirim	2.2	222
Stoic		7
Réamhíocaíochtaí		187
Glanmhaoiniú Státchiste	2.4	33
Iomlán na sócmhainní reatha		449
Lúide dliteanais reatha		
Speansais fhabhráithe		73
Iarmhéideanna sochair eile	2.3	255
Iomlán na ndlíteanas reatha		328
Glansócmhainní reatha		121
Glansócmhainní		894
Arna Léiriú ag:		
Cuntas maoinithe Stáit	2.5	894

2.1 Sócmhainní caipitil

	Troscán agus feistis €000	Trealamh TF agus oifige €000	Sócmhainní caipitil atá á bhforbairt €000	Iomlán €000
Ollsócmhainní				
Costas nó luacháil ag an 1 Eanáir 2020	—	—	—	—
Aistrithe ón Vóta Dlí agus Cirt	2	187	518	707
Breiseanna	—	—	150	150
Costas nó luacháil ag an 31 Nollaig 2020	2	187	668	857
Dímheas carntha				
Iarmhéid tosaigh ag an 1 Eanáir 2020	—	—	—	—
Dímheas na sócmhainní a aistríodh	2	47	—	49
Dímheas don bhliain	—	35	—	35
Dímheas carnach ag an 31 Nollaig 2020	2	82	—	84
Glansócmhainní ag an 31 Nollaig 2020	—	105	668	773

2.2 Banc agus airgead tirim

ag an 31 Nollaig	2020
	€000
Iarmhéid ag an bPámháistir Ginearálta agus airgead tirim	222
Iarmhéideanna eile cuntais bainc	—
	222

Chomh maith leis an gcuntas ag an bPámháistir Ginearálta, tá cúig chuntas tráchtála bainc eile ag an gCoimisiún a raibh iarmhéid nialasach i gceist leo ag an 31 Nollaig 2020.

2.3 Iarmhéideanna sochair eile

ag an 31 Nollaig	2020
	€000
Méideanna atá dlite don Stát	
Cáin bhreisluacha ar shonraisc choimhthíocha	2
Cáin shiarchoinneálach ar sheirbhísí gairmiúla	162
	164
Iarmhéideanna sochair eile – míreanna ar fionraí	91
	255

2.4 Glanmhaoiniú Státhchiste

ag an 31 Nollaig	2020
	€000
Farasbarr le géilleadh	4,623
Deontas ón Státhchiste nár tarraingíodh	(4,656)
Glanmhaoiniú Státhchiste	(33)
Arna Léiriú ag:	
Banc agus airgead tirim	222
	222
Creidiúnaithe	
Dlite don Stát	(164)
Iarmhéideanna sochair: fionraí	(91)
	(255)
	(33)

2.5 Cuntas maoinithe stáit

	Nóta	2020
		€000
Eisíocaíochtaí as an Vóta		
Soláthar meastacháin		16,686
Farasbarr le géilleadh		(4,623)
Glanvóta		12,063
Caiteachas (airgead tirim) a tabhaíodh in áit eile	1.1	125
Aistriú isteach sócmhainní		658
Glanchostas an chláir	1	(11,952)
		894

2.6 Ceangaltais

Ceangaltais dhomhanda	
ag an 31 Nollaig	2020
	€000
Earraí agus seirbhísí a fháil	593
Tionscadal caipitil	199
Iomlán na gceangaltas is infheidhme le dlí	792

2.7 Dliteanais theagmhasacha

Tá an Coimisiún um Chosaint Sonraí páirteach i roinnt imeachtaí dlí atá ar feitheamh agus d'fhéadfadh dliteanais a bheith mar thoradh orthu sin, ag brath ar thoradh na dlíthíochta. Níl aon chinnteacht ann maidir le méid iarbhir ná tráthúlacht na ndliteanas féideartha.

Nóta 3 Caiteachas Vóta

Anailís ar chaiteachas riaracháin

Rangaítear an leithdháileadh ar fad ar Vóta 44 An Coimisiún um Chosaint Sonraí mar chaiteachas riaracháin a chuirtear i bhfeidhm i dtreo clár aonair: an rialachán maidir le cosaint sonraí a sholáthar.

		2020	
		Soláthar meastacháin	Toradh
		€000	€000
i	Tuarastail, pá agus liúntais	10,552	7,844
ii	Taisteal agus cothú	110	19
iii	Oiliúint agus forbairt agus speansais theagmhasacha	2,782	2,582
iv	Seirbhísí poist agus teileachumarsáide	45	29
v	Trealamh oifige agus seirbhísí seachtracha TF	1,612	858
vi	Costais áitribh oifige	1,140	844
vii	Seirbhísí comhairleoireachta agus athbhreithnithe ar luach ar airgead agus ar pholasaithe	625	42
viii	Taighde	50	—
		16,916	12,218

Difríochtaí suntasacha

Déantar anailís sa mhéid seo a leanas ar chaiteachas riaracháin an Vóta agus déantar cur síos ar na cúiseanna atá le difríochtaí suntasacha (+/- 25% agus €100,000).

i Tuarastail, pá agus liúntais

Soláthar meastacháin €10.552 milliún; toradh €7.844 milliún

Bhain an t-easnamh €2.7 milliún i gcaiteachas i gcoibhneas leis an soláthar meastacháin leis an earcaíocht a bheith níos moille ná mar a bhíodhas ag súil leis mar gheall ar an riachtanas a bhí ann leis an earcaíocht ar fad a bhogadh ar líne le linn na bliana 2020. Theastaigh, mar sin, próisis a chur i dtoll a chéile do thástálacha agus do scrúduithe ar líne agus chuir soláthar agus forbairt na bpróiseas sin moill cúpla mí le feachtais earcaíochta. Bhain sé freisin leis an ngá a bhí ann tuarastail foirne a phróifiliú ar bhonn bliantúlaithe agus ar bhonn lárphointe an scála, chomh maith le laghdú ar an bhfoireann.

v. Trealamh oifige agus seirbhísí seachtracha TF

Soláthar meastacháin €1.612 milliún; toradh €858,000

Bhain an t-easnamh €754,000 i gcaiteachas i gcoibhneas leis an soláthar meastacháin den chuid is mó le tionscadal TFC a chur i bhfeidhm níos moille ná mar a bhí beartaithe mar gheall gurbh éigean anailís bhreise a dhéanamh ar bhonneagar agus ar sheirbhísí i ndiaidh cinneadh a dhéanamh ar ascnamh sonraí, sreafaí oibre agus roghanna slándála. Bhain an t-easnamh i gcaiteachas freisin le muirir TFC a bheith níos lú mar a bhíodhas ag súil leo mar gheall ar an líon foirne a bheith níos ísle ná mar a bhí tuartha.

vi. Costais áitribh oifige

Soláthar meastacháin €1.14 milliún; toradh €844,000

Bhain an t-easnamh €296,000 i gcaiteachas i gcoibhneas leis an soláthar meastacháin den chuid is mó le costais oibriúcháin a bheith níos ísle ná mar a bhíothas ag súil leis mar gheall ar chianobair agus ar an moill a bhí ann spás oifige breise a sholáthar.

vii. Seirbhísí comhairleoireachta agus athbhreithnithe ar luach ar airgead agus ar pholasaithe

Soláthar meastacháin €625,000; toradh €42,000

Bhain an t-easnamh €583,000 i gcaiteachas i gcoibhneas leis an soláthar meastacháin den chuid is mó leis na riachtanas le seirbhísí comhairleoireachta a bheith níos ísle ná mar a bhíothas ag súil leis.

Nóta 4 Fáltais

4.1 Leithreasaí-i-gcabhair

		2020	
		Measta €000	Réadaithe €000
1	Ilgheithreach	10	—
2	Fáltais ó ranníocaíochtaí breise aoisliúntais ar luach saothair seirbhíse poiblí	220	155
Iomlán		230	155

4.2 Fáltais bhreise atá iníoctha leis an Státchiste

	2020 €000
Iarmhéid ag an 1 Eanáir	—
Fáltais ó fhíneálacha riaracháin	75
Aistrithe chuig an Státchiste	(75)
Iarmhéid ag an 31 Nollaig	—

4.3 Fíneálacha

Faoi shainchúram reachtúil DPC, is féidir fíneálacha riaracháin a ghearradh. Ní féidir fíneáil ar bith a ghearrann DPC a bhailiú nó go ndeimhnítear é le hordú ón gCúirt (cibé acu ar achomharc nó ar iarratas deimhnithe).

Ghearr DPC seacht bhfíneáil sa bhliain 2020 lenar bhain luach iomlán €785,000.

As na seacht bhfíneáil a gearradh sa bhliain 2020, bailíodh ceann amháin ina iomláine lenar bhain luach €75,000. Cuireadh é sin ar fad ar aghaidh chuig an Státchiste (féach nóta 4.2).

Nóta 5 Foireann agus Luach Saothair

5.1 An líon fostaithe

Coibhéisí lánaimseartha	2020
Líon foirne ag deireadh na bliana	145

5.2 Pá

	2020 €000
Pá	7,120
Liúntais le haghaidh ard-dualgas, dualgais speisialta nó dualgais bhreise	15
Liúntais eile	—
Ragobair	—
ÁSPC an fhostóra	709
Pá iomlán	7,844

5.3 Liúntais agus íocaíochtaí ragoibre, 2020

	Líon na bhfaighteoirí	Faighteoirí a fuair €10,000 nó níos mó	An íocaíocht aonair is airde 2020 €
Liúntais le haghaidh ard-dualgas, dualgais speisialta nó dualgais bhreise	3	—	6,186
Ragobair	1	—	217
Liúntais eile	—	—	—
Luach saothair breise i níos mó ná catagóir amháin	—	—	—

5.4 Ró-íocaíochtaí párolla

	Líon na bhfaighteoirí	2020 €
Ró-íocaíochtaí a raibh pleananna aisghabhála i bhfeidhm ina leith	4	32,733
Ró-íocaíochtaí nach raibh pleananna aisghabhála i bhfeidhm ina leith	3	3,738
	5^a	36,471

Nóta ^a Tá beirt d'fhoireann an Choimisiúin um Chosaint Sonraí ar an dá liosta.

Nóta 6 Ilghnéitheach

6.1 Costais chúitimh agus dlí

	Líon na gcásanna	Costais dlí a d'íoc DPC (thar a cheann féin)	Íocaíochtaí a rinneadh maidir le costais dlí a dámhadh in aghaidh DPC	Cúiteamh a dámhadh	Iomlán 2020
		€000	€000	€000	€000
Cásanna a thug daoine den phobal	34	626	85	—	711
Cásanna a thug fostaithe	—	—	—	—	—
		626	85	—	711

Rinne DPC íocaíocht sa bhliain 2020 i ndáil le costais dlí pháirtí eile maidir le tacar amháin imeachtaí. Caingean athbhreithnithe bhreithiúnaigh in aghaidh DPC a bhí ansin, rud ar scoireadh de sa bhliain 2018.

6.2 Costais dlí

Thabhaigh DPC costais iomlána €618,000 sa bhliain 2020 maidir le 6 thacar ar fad d'imeachtaí a thionscain DPC. Bhí siad sin comhdhéanta de chaingean iomlánach, dhá iarratas a rinne DPC chuig an gCúirt Chuarda chun deimhniú a fháil maidir le fíneálacha riaracháin a ghearradh agus trí ionchúiseamh margaíochta a thug DPC sa Chúirt Dúiche.

Ba é an cás An Coimisinéir um Chosaint Sonraí v. Facebook Ireland agus Schrems (uimh. thaifid Ard-Chúirte 2016/4809P) an chaingean iomlánach. Caingean iomlánach a bhí ansin, rud a thionscain DPC sa bhliain 2016 ag lorg tarchuir chuig Cúirt Bhreithiúnais an Aontais Eorpaigh (CJEU) maidir le bailíocht ionstraime dlí de chuid AE a mbraitear uirthi chun aistrithe sonraí ó AE go dtí na Stáit Aontaithe a dhéanamh. D'áirigh cúrsa na n-imeachtaí casta seo triail sé seachtaine os comhair na hArd-Chúirte, breithiúnas 154 leathanach arna thabhairt ag an Ard-Chúirt a raibh tarchur arna dhéanamh ag an Ard-Chúirt chun CJEU mar thoradh air, achomharc chuig an gCúirt Uachtarach arna thabhairt ag ceann de na páirtithe eile sa chás sin in aghaidh an tarchur sin a dhéanamh ag an Ard-Chúirt, agus éisteacht os comhair CJEU in 2019, agus tugadh an breithiúnas cinniúnach ó CJEU i mí Iúil 2020. Ina dhiaidh sin bhí éisteacht os comhair na hArd-Chúirte i mí Dheireadh Fómhair 2020 i leith, agus dámhadh costais dlí in aghaidh DPC maidir le páirtí amháin eile. Tá suim dheiridh an ordaithe costas sin fós le cinneadh ach rinne DPC íocaíocht eatramhach €450,000 leis an bpáirtí eile a bhí i gceist maidir leis an ordú costas sin sa bhliain 2020.

6.3 Maoiniú ó AE

Chuaigh an Coimisiún um Chosaint Sonraí i mbun comhpháirtíochta le húdarás Cosanta Sonraí na Cróite agus le hOllscoil Vrije (an Bhruiséil) maidir le tionscadal nua arna chómhaoiniú ag an Aontas Eorpach faoin gClár um Chearta, um Chomhionannas agus um Shaoránacht. Fuarthas maoiniú €91,000 ó AE sa bhliain 2020 maidir leis an tionscadal sin.